

IMAQARNILIAQ MAA - Meeqqanut Atuarfeqarnermullu Ataatsimiititaq 12-03-2018

Ulloq ataatsimiiffissaq Mandag 12. marts 2018 kl. 17:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Ukioq manna Ilinniartitsisoq aamma Ukioq manna Atuarfiup pisortaa.....	8
Atuarfimmi pisortat isumasioqatigineqarnerat tunngavigalugu periusissiatut pilersaarut.....	11
Suliat Aningaasaqarnermut Inuussutissarsiornermullu Ataatsitamut Kommunalbestyrelsimullu inge	14
Ukiumut atuarfiusumut 2016/2017-imut pitsaassutsimut nalunaarusiaq.....	15
Taasariaqartut allat.....	18
Oqaluuserisassat matoqqasut.....	19
Lukket.....	20
Imaqarniliap akuerineqarnera.....	21

IMMIKKOORTOQ 0: Saqqaa

<p>Ilaasortat</p> <p>Nivi Olsen (D), siulittaasoq</p> <p>Henrik Rachlev (IA)</p> <p>Knud Mathiassen (IA)</p> <p>Uju Petersen (IA)</p> <p>Thiioq Knudsen (S)</p>

Beslutning

Uju Petersen (IA), ilaanngilaq.

Thiioq Knudsen (S), oqaluuserisassat siulliit marluk ilaanngilaq, paatsoortoqarsimanagera peqqutaalluni.

IMMIKKOORTOQ 1: Oqaluserisassat akuerineqarneri

Beslutning

Oqaluserisassat akuerineqarput.

IMMIKKOORTOQ 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

Beslutning

2A. Siulittaasumit nalunaarutit.

- Inatsisartunut qinersinissaq nalunaarutigineqarsimavoq.

2B. Ingerlatsivimmit nalunaarutit.

- Nuussuarmi sisorarluni majuartaateeraq ammarsimavoq.

- Naluttarfik Malimmi spabadit (uffarfiit kissartut kinisimaartarfusut) ikkunneqassapput aprilip ingerlanerani.

- Tasiilami sunngiffimmi komsulentimik sulisussarsiortoqarpoq.

- Ingerlatsivimmi ukiup ingerlanerani susoqarsimaneraniq nalunaarutit siammarteqaammerneqarput takusassianngorlugit.

- MISI "Vester Fængsel" -imut påskeip kingorna nuussapput.

- Inussiviup ingerlatsisussarsiorneqarpoq.

IMMIKKOORTOQ 3: Ilisimatitsissutit

<p>Soqanngilaq.</p>

IMMIKKOORTOQ 4: Aalajangiiffisassat

IMMIKKOORTOQ 04A: Ukioq manna Ilinniartitsisoq aamma Ukioq manna Atuarfiup pisortaa

Beslutning

Inassuteqaat akuerineqarpoq.

Ukioq manna Ilinniartitsisoq aamma Ukioq manna Atuarfiup pisortaa

Aalajangiiffigisassaq

J.nr.:51.01.12.01

Meeqqanut Atuarfeqarnermullu Ingerlatsivik – Helene Broberg Berthelsen / HEBE

Suliassamik eqikkaaneq

Suleqatigiinnissamut isumaqatigiisummi "Ukioq manna Ilinniartitsisoq" aamma "Ukioq manna Atuarfiup pisortaa" nersornaatisalissasut anguniagassatut aalajangiunneqarpoq. Allassimavoq kikkulluunniit innersuussisinnaassasut aammalu Meeqqanut Atuarfeqarnermullu Ataatsimiititap kikkut nersornaasigaassanersut aalajangiiffigisassagaa. Matumani Meeqqanut Atuarfeqarnermullu Ingerlatsiviup nersornaat qanoq tunniunneqartassanersut siunnersuutigaa.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Ataatsimiititamit Ukioq manna ilinniartitsisuanik aamma Ukioq manna Atuarfiup pisortaanik qinersinissamut suleriesissamut siunnersuut akuerissagaa.

Suliassamik saqqummiussineq

Inuit Ataqaatigiit (IA) Demokraatillu akornanni suleqatigiinnissamut isumaqatigiisuttip iluani ilaatigut anguniagaavoq kommunimi nersornaasiuttakkat marluk pilersinneqassasut, ukununga: Ukioq manna Ilinniartitsisoq aamma Ukioq manna Atuarfiup pisortaa.

Nersornaatinik innersuuteqarnissamut tunniussinissamullu tunngatillugu ingerlatsivik ima periuseqartoqarnissaanik siunnersuuteqarpoq:

Apriliip aallaqqaataaniit 30-ata tungaanut ilinniartitsisunik pisortanillu innersuussisoqarsinnaavoq. Tamanna pissaaq allakkatigut mailikkulluunniit atuarfeqarnermut immikkoortortamut innersuussuteqarnikkut. Tamanna ugeavisimi, atuarfimmi aamma angajoqqaat atuartullu intranetiatigut nalunaarutigineqassaaq - taamaalilluni ilinniartitsisut, angajoqqaat innuttaasullu allat qanoq iliorlutik innersuussisinnaanerlutik paasitineqassapput. Innersuussummi innersuussinermut patsisigineqartut ilanngunneqassapput.

Maajip qaammataani innersuussutit suliarineqartassapput ataatsimiititamullu suliassamik saqqummiussummik suliaqartoqartassaaq. Ukioq manna Ilinniartitsisumut 15-it sinnerlugit innersuussisoqaraangat ataatsimiititaliortoqartassaaq komitémik, taassumalu ataatsimiititamut ingerlateqqinneqartussanik innersuussutini tallimat toqqartassavai. Ataatsimiititami komitémi ilaasortaassapput Meeqqanut Atuarfeqarnermullu Ataatsimiititami siulittaasoq, ataatsimiititami ilaasortaqaq ataaseq ataatsimiititamit toqqarneqartoq, kommunalbestyrelsimit sinniisoq alla kiisalu innuttaasoq/aallartitaq - taamatutaaq ataatsimiititamit toqqarneqartoq. Atuarfeqarnermut Immikkoortortaq ataatsimiititamut komitémut allattaasassaaq, aalajangiisinnaassuseqaranili. Ukioq manna Pisortamut innersuussutit toqqaannartumik ataatsimiititamut tunniunneqartassapput. Toqqaanissamut aalajangersimasunik siumut piumasaqaateqareertoqartassanngilaq, ataatsimiititamiilli komitémiillu kina innersuussutigineqassanersooq aalajangersimasumik naliliiffigineqartassaaq.

Juunip qaammataani ataatsimiititap ataatsimiinnerani Meeqqanut Atuarfeqarnermullu Ataatsimiititaq kikkut nersornaasigaassanersut aalajangiiffigisassavaat.

Ataatsimiititaq ataatsimeereeraangat ataatsimiititami siulittaasup ajugaasut nersornaasertassavai. Tamanna ataasiakkaat atorfeqarfiani atuarfimmi pisassaaq. Nersornaasiussat tassaasinnaapput naasut qilertat, ataqqinaammik uppernarsaat ilaatigullu aamma ileqqutoqqat malillugit eqqumiitsuliaq.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa, periuseq siuliani saqqummiunneqartoq oqaluuserineqassasoq aammalu ilaatigut oqaaseqaateqarfigineqassasoq allatullu periuseqartoqarnissaa imaluunniit ullut allat kissaatigineqarpata naqqiisoqassasoq.

Aningaasaqarnikkut sulisoqarnikkullu naliliinerit

Nalunaaruteqarnermut atatillugu annikitsumik aningaasartuuteqartoqassaaq, saniatigullu suliap naammassineqarnissanut annikitsumik allaffissornermik atuisoqarnissaa naatsorsuutigineqartariaqarluni. Tamatuma saniatigut nersornaasiisoqarneranut atatillugu ilaatigut pisiniarnermut/akiliinermut aningaasartuuteqartoqassalluni.

Inatsisitigut tunngavissaq allakkallu tunngaviusumik uppernarsaatitalit

Suleqatigiinnissamut isumaqatigiissummi anguniagassatut aalajangiunneqarpoq: Kommunimi nersornaasiutakkat nutaat marluk pilersinneqassasut; Ukioq manna Ilinniartitsisoq aamma Ukioq manna Atuarfiup pisortaa. Kikkulluunniit innersuussisinnaassapput, kisianni Meeqqanut Atuarfinnullu Ataatsimiititaliaq innersuussutit patsisitalersukkat tunngavigalugit aalajangiisuusassaaq.

Ingerlariaqqinnissaq

Siuliini allassimasut Meeqqanut Atuarfeqarnermullu Ataatsimiititamit akuerineqassappata ukioq atuarfiusoq 2018/19 suliaq aallartinneqassaaq. Naqqiuteqartoqassappat oqaaseqaateqartoqassappallu ilanngunneqassapput.

Aningaasaqarnermut Allatseqarfimmit oqaaseqaatit

Oqaaseqaateqartoqanngilaq

Innuttaasunik peqataatitsineq/attaveqaqatigiinneq

Innuttaasunik peqataatitsisoqanngilaq.

Ingerlatsivinnit allaniit oqaaseqaatit

Ingerlatsivinnit allanit oqaaseqaatinik pissarsiniartoqarsimanngilaq.

Ilanngussaq

Ilanngussaqanngilaq

IMMIKKOORTOQ 04B: Atuarfimmi pisortat isumasioqatigineqarnerat tunngavigalugu periusissiatut pilersaarut

Beslutning

Inassuteqaatit akuerineqarput.

Atuarfimmi pisortat isumasioqatigineqarnerat tunngavigalugu perusissiatut pilersaarut

Aalajangiiffigisassaq

J. nr.:51.00.20.02

Meeqqanut Atuarfeqarnermullu Ingerlatsivik – Helene Broberg Berthelsen / HEBE

Suliassamik eqikkaaneq

Atuarfimmi pisortat ulloq 11. aamma 12. decembarimi isumasioqatigiisinnerqarput. Ulluni taakkunani Meeqqanut Atuarfeqarnermullu Ataatsimiititaq, Borgmesteri atuarfeqarnermullu immikkoortorta qeqataapput. Isumasioqatigiinnerup nalaani Islandimi Atuarfinni angajoqqaatut atuartuuteqarneq pillugu misilittakkani saqqummiunneqarput Tamatuma saniatigut atuarfinni angusat pillugit atuarfeqarnermut immikkoortortamit saqqummiussisoqarpoq aamma atuartitsinermi sunniutaasartut pillugit saqqummiussaarluni. Saqqummiussat tunngavigalugit suliniutit periutsillu kommunimi meeqqat atuarfiini ilikkartitsinissamik iluarisimaarinninnermillu suut nukittorsaataasinnaasut eqqartorneqarput.

Eqqartuineq tunngavigalugu, atuarfinni ilikkartitsinissamik iluarisimaarinninnermillu nukittorsaataasinnaasut atuarfeqarnermut immikkoortortamit perusissiatut pilersaarutissamut siunnersuuteqartoqarpoq

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatiga:

- perusissiatut pilersaarutip imarisaa ataatsimiititamit eqqartorneqassasoq, aammalu
- perusissiatut pilersaarut pillugu suleriaqqinnissaq ataatsimiititap akuerissagaa

Suliassamik saqqummiussineq

Nuummi atuarfimmi pisortat ulluni 11. aamma 12. decembari 2017 isumasioqatigiisinnerqarput. Ulluni pineqartuni atuartitsinerup pitsaassusaa qanoq annertusarneqarsinnaanersoq, angajoqqaanik suleqateqarneq qanoq nukittorsarneqarsinnaanersoq aamma atuarfiit ataasiakkaat nukittuffii aporfiginnaasaalu eqqartorneqarput. Eqqartuinerit tunngavigalugit perusissiamik pilersaarut ingerlatsivimmit suliarineqarpoq, taannalu sisamanik immikkoortoqarpoq. Suliassamik saqqummiussami matumani immikkoortut sisamaasut naatsumik nassuiarneqassapput. Pingaarnertut immikkoortut makku suleriaqqinnermi ingerlanneqassapput:

Public Service motivation: Meeqqat atuarfiini suliniutit sunniutaat pillugit ilisimatuutut misissuilluni paasisat saqqummiunnerini, Public Service Motivation eqqartorneqarpoq. Atuartup atuarfimmi ingerlalluarnernut ilinniartitsisup pisortani sullissinermi kajumissusaa pingaarutilipilorujussuuvoq. Ilinniartitsisoq sulinissaminut kajuminnerutillugu, atuartoq angusarissaarnerusartoq ilisimatuutut misissuineri paasinarsivoq.

Atuartitsineri tapersersuisoqarneq: Atuartitsinerup sunniutigisartagaasa ilisimatuutut misissuineri, atuartitsineri ilinniartitsisoqartillugu inunnillu tapersersuisoqartartillugu annertuumik iluaqutaasartoq paasinarsivoq. Taamaattumik suliniut atuarfeqarnermut immikkoortortamit nanginneqassaaq. Taamaattumik atuartitsineri tapersersuisoqartarnissaanik aaqqiissuteqarnermi uuttuutitigut qanoq sunniuteqarsinnaasoq atuarfeqarnermut immikkoortortamit misissorneqassaaq. Ilisimatuutut misissuinerit il. il. misilittakkat ilaatinneqassapput pitsaassutsimullu tunngasut misissorneqarlutik. Tamanna ima paasineqassaaq, atuartitsineri tapersersuisoqarnerani Kommuneqarfik Sermersuup atuarfiini kissaatigisatut sunniuteqarfigitikkusutat sutigut iluaqutaasinnaanersoq paasinarneqassaaq.

Atualersussat siusissukkullu suliniuteqarneq: Ukioq siullermi iliuuseqarnerusarpugut: Atuartut ilikkariartornissaat iluarisimaarinninnerallu qanoq nukittorsarsinnaaneripput aallutarineqassaaq, pingaartumik ukiuni siullerni. Tamatuma saniatigut Islandimit misilittagarineqartut aallaavigalugit, aporfeqartarnerit ajornartorsiutillu takkukkaangata siusissukkut sukkasuumillu suliniuteqartarneq qanoq pingaaruteqartiginersoq eqqartorneqarpoq. Periusissiatut pilersaarummi atualernissamut piareersimaneq aamma aporfusartut ajornartorsiutillu takkukkaangata sukkasuumik qisuariarfigisarnissaat qanoq atuarfeqarnermut immikkoortortamit aallutarineqassanersut nassuiaatigineqarput.

Angajoqqaanik suleqateqarneq aamma atuartut angajoqqaavisa suleqatigiissitaat: Islandimit misilittakkat naapertorlugit atuarfinni angajoqqaanik suleqateqarnerit qanoq nukittorsarneqarsinnaasut eqqartorneqarpoq. Atuarfiit aamma MISI suleqatigalugit atuarfeqarnermut immikkoortortaq suleqatigiissitamik pilersitsissaaq, taassumalu angajoqqaanik suleqateqarnermi najoqqutassat nutaat atuarfinni misilerarneqarnissaat pillugit suliaqassapput.

Aaqqiissutissatut siunnersuut – suliatigut naliliineq
Periusissiatut pilersaarut eqqartorneqassasoq atuarfeqarnermut immikkoortortamit ataatsimiititamut inassutigineqarpoq. Oqaaseqaateqartoqassappat iluarsissutissaqartoqassappallu, atuarfeqarnermut immikkoortortamit iliuusissatut pilersaarummut naleqqussarneqassapput nutaatullu akuersissutigisassanngortinneqarlutik.

Aningaasaqarnikkut sulisoqarnikkullu naliliinerit
Siunnersuutit arlallit aningaasanik immikkoortitsivigineqarnissaat pisariaqarpoq. Periusissiatut pilersaarut sulii akuersissutigineqarnikuunngimmat, aningaasaqarnikkut sulisoqarnikkullu naliliinerit sulii suliarineqanngillat.

Inatsisitigut tunngavissaq allakkallu tunngaviusumik uppersaatitallit
Soqanngilaq

Ingerlariaqqinnissaq
Periusissiatut pilersaarut akuersissutigineqareerpat, anguniakkat nassuiaatigineqartutut allaaserineqareersut atuarfeqarnermut immikkoortortamit suliaralugit naammassineqassapput

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqaatinik piniartoqanngilaq.

Innuttaasunik peqataatitsineq/attaveqatigiinneq
Pisariaqartinneqanngilaq.

Ingerlatsivinniit allaniit oqaaseqaatigineqartut
Soqanngilaq

Ilanngussaq/Ilanngussat
Soqanngilaq.

**IMMIKKOORTOQ 5: Suliat Aningaasaqarnermut
Inuussutissarsiornermullu Ataatsitamut Kommunalbestyrelsimullu
ingerlateqqitassat**

IMMIKKOORTOQ 05A: Ukiumut atuarfiusumut 2016/2017-imut pitsaassutsimut nalunaarusiaq

Beslutning

Ilisimatitsissut tusaatissatut tiguneqarpoq aammalu Aningaasaqarnermut Inuussutissarsiornermullu Ataatsimiititamut ilisimatitsissutitut ingerlateqqinneqarluni.

Ilanngussat

Bilag 1. Fælles kvalitetsrapport 2016 2017.docx

Bilag 2. AHL Kvalitetsrapport skoleåret 16-17.docx

Bilag 3. Arsuruk Kvalitetsrapport skoleåret 16-17 DA.docx

Bilag 4. ASK Kvalitetsrapport skoleåret 16-17.docx

Bilag 5. Tuiisaaq, Kvalitetsrapport skoleåret 16-17.docx

Bilag 6. Kangillinguit Kvalitetsrapport skoleåret 16-17.docx

Bilag 7. Nussuuuq KVALITETSRAPPORT 2016-17.docx

Bilag 8. Kvalitetsrapport skoleåret 16-17 Tasiilami.docx

Bilag 9. USKKvalitetsrapport skoleåret 16-17 DA.docx

Bilag 10. Isertoq Kvalitetsrapport skoleåret 16-17 DA.docx

Bilag 11. Kapisillit Kvalitetsrapport skoleåret 16-17 KAL.docx

Bilag 12. Kulusuk pitsaassuseq pillugu nalunaarusiaq 2016-17 kulusuk.pdf

Bilag 13. Kuummiit Kvalitetsrapport skoleåret 16-17 KAL.docx

Bilag 15. Sermiligaaq kvalitetsrapport.pdf

Bilag 16. Tiilerilaaq Kvalitetsrapport skoleåret 16-17 DA.docx

Bilag 17 Kvalitetsrapport skoleåret 16-17 EMA.docx

Ukiumut atuarfiusumut 2016/2017-imut pitsaassutsimut nalunaarusiaq

Ilisimatitsissut

J.nr.: 51.00.21.02

Meeqqanut Atuarfeqarnermullu Ingerlatsivik – Helene Broberg Berthelsen / HEBE

Suliassamik eqikkaaneq:

Atuarfiit pitsaassutsimut nalunaarusiaat aamma ingerlatsiviit ataatsimut pitsaassutsimut nalunaarusiaat, matumuuna Meeqqanut, Atuarfeqarnermullu Ataatsimiititamat paasissutissatut saqqummiunneqarput. Atuarfiit pitsaassutsimut nalunaarusiaat, Atuarfik pillugu Inatsisartut inatsisaat nr. 15, 3. december 2012-imeersoq § 49 tunngavigalugu atuarfiit ukioq atuarfiusoq kingulleq nalunaarusiarisartagaannik imaqarput. Taassuma saniatigut ingerlatsivik ataatsimut pitsaassutsimut nalunaarusiamik suliaqarsimavoq, atuarfiit pitsaassutsimut nalunaarusiaat pingaarnersiorlugit eqikkakkamik imaqartumik.

Inassuteqaat

Meeqqanut, Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Ilisimatitsissut tusaatitut tiguneqassasoq
- Ilisimatitsissut Aningaasaqarnermut Inuussutissarsiornermullu Ataatsimiititamat ingerlateqqinneqassasoq

Suliassamik saqqummiussineq

Atuarfiit pitsaassutsimut nalunaarusiaat, Atuarfik pillugu Inatsisartut inatsisaat nr. 15, 3. december 2012-imeersoq § 49 tunngavigalugu ukioq atuarfiusoq qaangiuttoq kingullermi trintest, misilitsinnerit iliuusissatullu pilersaarutit allallu imarai. Taassuma saniatigut ingerlatsivik ataatsimut pitsaassutsimik nalunaarusiamik suliaqarsimavoq, atuarfiit pitsaassutsimut nalunaarusiaat pingaarnersiorlugit eqikkakkamik imaqartumik.

Pitsaassutsimik nalunaarusiat 2015/2016-imeersut ukiut siuliinit ineriartorteqqinneqarput. Ukiumi qaangiuttumi pitsaassutsimut nalunaarusiani maluginiarneqarsimavoq, atuarfinni ingerlatsiviit ilaannut nalunaarusiornermik saniatigut sammisassanik toqqartuipput, ukiumut atuarfiusussamat tulliuuttumut anguniagassatut. Ukioq manna pitsaassutsimik nalunaarusiami atuarfiit siorna anguniagassatut toqqakkatik malinnaatitsiffigisimavaat ukiullu tullianut anguniagassatik nalunaarutigalugit. Tamanna atuarfiit ataasiakkaat pitsaassutsimik nalunaarusiaanni atuarneqarsinnaavoq.

Ukioq manna aammaarluni erseqqissaatigineqarpoq, soraarummeernermi angusat trintestinilu angusat eqqarsaatigalugit fagini tamani kommune nuna tamakkerlugu agguaqatigiissillugu angusanit qaffasinnerusumiippoq.

Aaqqiissutissatut siunnersuut – suliatigut naliliineq

Aaqqiissutissanut siunnersuuteqarani suliatigullu naliliisoqarani ingerlateqqinneqarpoq.

Aningaasaqarnikkut sulisoqarnikkullu naliliinerit

-

Inatsisitigut tunngavissaq allakkallu tunngaviusumik uppernarsaatitallit

Atuarfik pillugu Inatsisartut inatsisaat nr. 15, 3. december 2012-imeersoq § 49

Ingerlariaqqinnissaq

-

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Soqanngilaq

Ilanngussaq/Ilanngussat:

1. Ataatsimut pitsaassutsimut nalunaarusiaq qall./kal.
2. Pitsaassutsimut nalunaarusiaq AHL
3. Pitsaassutsimut nalunaarusiaq Arsuq
4. Pitsaassutsimut nalunaarusiaq ASK
5. Pitsaassutsimut nalunaarusiaq Tuiisaq
6. Pitsaassutsimut nalunaarusiaq Kang
7. Pitsaassutsimut nalunaarusiaq Nuussuup Atuarfia
8. Pitsaassutsimut nalunaarusiaq Tasiilaq
9. Pitsaassutsimut nalunaarusiaq USK
10. Pitsaassutsimut nalunaarusiaq Isertoq
11. Pitsaassutsimut nalunaarusiaq Kapisillit
12. Pitsaassutsimut nalunaarusiaq Kulusuk
13. Pitsaassutsimut nalunaarusiaq Kummiit
14. Pitsaassutsimut nalunaarusiaq Qeqartarsuatsiaat
15. Pitsaassutsimut nalunaarusiaq Sermiligaaq
16. Pitsaassutsimut nalunaarusiaq Tiilerilaaq
17. Pitsaassutsimut nalunaarusiaq Ejnar Mikkelsenila Aluarpia

IMMIKKOORTOQ 6: Taasariaqartut allat

Beslutning

IMMIKKOORTOQ 7: Oqaluuserisassat matoqqasut

IMMIKKOORTOQ 07A: Lukket

IMMIKKOORTOQ 8: Imaqarniliap akuerineqarnera

Beslutning

Imaqarniliaq akuerineqarpoq nalunaaqutaq 14:01